

广东通志

广东通志

廣東通志卷二百九十六

甲子重刊

列傳二十九

肇廣一

陳欽

子元漢

士燮

弟壹三國吳

陳頤

何如瑛

莫宣卿

陳萬言

李謹微

以上唐

陸光圖

南漢

梁頤

子揆

李英

李士廉

子積中

石處道

李熙載

李大性

譚惟寅

陳嘉猷

綦毋慮

梁弼直

梁作心

章君載

曾躍鱗

莫天祐

黃執矩

樂夔

伍士階

梁順孫

子嚴諷

嚴穆

梁夢奇

以上宋

劉青

梁全

梁國傑

郭友

戴元
以上元

劉德

李質

次子伯震

徐鼎

子季

梁敏

陳迪

梁致育

劉簡

梁祖榮

余存諒

李信

梁新

鍾瑛

王制

陳鼎

林賁

陳衡

沙浩

葉正

子公榮

從子官慶

何真

簡直

謝澤

何經

劉澄

余統

程文

李魁

李渭

劉芳

子竑

林世遠

余敬

歐陽福

吳赴

梁東之

李津

潘節

盧宅仁

麥孟陽

李邦祥

鄧崇德以上明

漢

蒼梧陳欽

漢書儒林傳

字子佚

經典釋文

王莽從欽受左氏

學以欽為馱難將軍

儒林傳

自名陳氏春秋

後漢陳元傳注

陳元字長孫蒼梧廣信人也父欽習左氏春秋事

黎陽賈護與劉歆同時而別自名家元少傳父業

為之詁訓銳精覃思至不與鄉里通以父任為郎

建武初元與桓譚杜林鄭興俱為學者所宗時議

欲立左氏傳博士范升奏以為左氏淺末不宜立

元聞之乃詣闕上疏曰陛下撥亂反正文武並用
深愍經藝謬雜真偽錯亂每臨朝日輒延羣臣講
論聖道知邱明至賢親受孔子而公羊穀梁傳聞
於後世故詔立左氏使詢可否示不專已盡之羣
下也今論者沉溺所習翫守舊聞固執虛言傳受
之辭以非親見實事之道左氏孤學少與與猶黨也遂
爲異家之所覆冒夫至音不合衆聽故伯牙絕弦
至寶不同衆好故卞和泣血仲尼聖德而不容於
世況於竹帛餘文其爲雷同者所排固其宜也非
陛下至明孰能察之臣竊見博士范升等所議
奏左氏春秋不可立及太史公違戾凡四十五事

案升等所言前後相違皆斷截小文媒黷微辭以年數小差掇爲巨謬遺脫纖微指爲大尤抉瑕擿釁掩其宏美所謂小辯破言小言破道者也升等又曰先帝不以左氏爲經故不置博士後主所宜因襲臣愚以爲若先帝所行而後主必行者則盤庚不當遷於殷周公不當營洛邑陛下不當都山東也往者孝武皇帝好公羊衛太子好穀梁有詔詔太子受公羊不得受穀梁孝宣皇帝在人間時聞衛太子好穀梁於是獨學之及卽位爲石渠論而穀梁氏興至今與公羊並存此先帝後帝各有所立不必其相因也孔子曰純儉吾從衆至於拜

下則違之夫明者獨見不惑於朱紫聽者獨聞不
謬於清濁故離朱不爲巧眩移目師曠不爲新聲
易耳方今干戈少弭戎事畧戢畱思聖執眷顧儒
雅採孔子下拜之義卒淵聖獨見之旨分明黑白
建立左氏解釋先聖之積結淘汰學者之累惑使
基業垂於萬世後進無復狐疑則天下幸甚臣元
愚鄙嘗傳師言如得以褐衣召見俯伏庭下誦孔
氏之正道理邱明之宿冤若辭不合經事不稽古
退就重誅雖死之曰生之年也書奏下其議范升
復與元相辯難凡十餘上帝卒立左氏學太常選
博士四人元爲第一帝以元新忿爭乃用其次司

隸從事李封於是諸儒以左氏之立論議謹譁自
公卿以下數廷爭之會封病卒左氏復廢元以才
行高著名辟司空李通府時大司農江馮上言宜
令司隸校尉督察三公事下三府元上疏曰臣聞
師臣者帝賓臣者霸故武王以太公爲師齊桓以
夷吾爲仲父孔子曰百官總已聽於冢宰近則高
帝優相國之禮太宗假宰輔之權及亡新王莽遭
漢中衰專操國柄以偷天下况已自喻不信羣臣
奪公輔之任損宰相之威以刺舉爲明微訐爲直
至乃陪僕告其君長子弟變其父兄罔密法峻大
臣無所指手足然不能禁董忠之謀身爲世戮故

人君患在自驕不患驕臣失在自任不在任人是
以文王有曰炆之勞周公執吐握之恭不聞其崇
刺舉務篤察也方今四方尙擾天下未一百姓觀
聽咸張耳目陛下宜修文武之聖典襲祖宗之遺
德勞心下士屈節待賢誠不宜使有司察公輔之
名帝從之宣下其議李通罷元後復辟司徒歐陽
歆府數陳當世便事郊廟之禮帝不能用以病去
年老卒於家子堅卿有文章

後漢書
本傳

謹案范書云以父任爲郎後辟司徒歐陽
歆府陸德明經典釋文云司空南閤祭酒
陳元此可補范書之缺

三國吳

士燮字威彥蒼梧廣信人也其先本魯國汶陽人
至王莽之亂避地交州六世至燮父賜桓帝時爲
日南太守燮少游學京師事潁川劉子奇治左氏
春秋察孝廉補尙書郎公事免官父賜喪闋後舉
茂才除巫令遷交阯太守弟壹初爲郡督郵刺史
丁宮徵還京都壹侍送勤恪宮感之臨別謂曰刺
史若待罪三事當相辟也後宮爲司徒辟壹比至
宮已免黃琬代爲司徒甚禮遇壹董卓作亂壹亡
歸鄉里吳書曰琬與卓相害而壹盡心於琬甚有聲稱卓惡之乃署教曰司徒掾士壹不得
除用故歷年不遷會交州刺史朱符爲夷賊所殺
卓入關壹乃亡歸

州郡擾亂燹乃表壹領合浦太守次弟徐聞合黼

領九真太守

黼音於鄙有弟武領海南太守燹體反見字林

器寬厚謙虛下士中國士人往往依避難者以百數
耽玩春秋爲之注解陳國袁徽與尙書合荀彧書
曰交趾土府君旣學問優博又達於從政處大亂
之中保全一郡二十餘年疆場無事民不失業羈
旅之徒皆蒙其慶雖竇融保河西曷以加之官事
小闕輒玩習書傳春秋左氏傳尤簡練精微吾數
以咨問傳中諸疑皆有師說意思甚密又尙書兼
通古今大義詳備聞京師古今之學是非忿爭今
欲條左氏尙書長義上之其見稱如此燹兄弟並

爲列郡雄長一州偏在萬里威尊無上出入鳴鐘
磬備具威儀笳簫鼓吹車騎滿道胡人夾轂焚燒
香者常有數十妻妾乘輜輶子弟從兵騎當時貴
重震服百蠻尉他不足踰也武先病沒朱符死後
漢遣張津爲交州刺史津後又爲其將區景所殺
而荊州牧劉表遣零陵賴恭代津是時蒼梧太守
史璜死表又遣吳巨代之與恭俱至漢聞張津死
賜燹璽書曰交州絕域南帶江海上恩不宣下義
壅隔知逆賊劉表又遣賴恭闕看南土今以燹爲
綏南中郎將董督七郡領交阯太守如故後燹遣
吏張雲奉貢詣京都是時天下喪亂道路斷絕而

燮不廢貢職特復下詔拜安遠將軍封龍度亭侯
後巨與恭相失舉兵逐恭恭走還零陵建安十五
年孫權遣步騭爲交州刺史騭到燮率兄弟奉承
節度而吳巨懷異心騭斬之權加燮爲左將軍建
安末年燮遣子厥入質權以爲武昌太守燮壹諸
子在南者皆拜中郎將燮又誘導益州豪姓雍闓
等率郡人民使搖東附權益嘉之遷衛將軍封龍
編侯弟壹偏將軍都鄉侯燮每遣使詣權致雜香
細葛輒以千數明珠大貝流離翡翠瑋瑁犀象之
珍奇物異果蕉邪龍眼之屬無歲不至壹時貢馬
凡數百匹權輒爲書厚加寵賜以答慰之燮在郡

四十餘歲黃武五年年九十卒權以交阯縣遠乃分合浦以北爲廣州呂岱爲刺史交阯以南爲交州戴良爲刺史又遣陳時代燮爲交阯太守岱留南海良與時俱前行到合浦而燮子徽自署交阯太守發宗兵拒良良畱合浦交阯桓鄰燮舉吏也叩頭諫徽使迎良徽怒笞殺鄰鄰兄治子發又合宗兵擊徽徽閉門城守治等攻之數月不能下乃約和親各罷兵還而呂岱被詔誅徽自廣州將兵晝夜馳入過合浦與良俱前壹子中郎將匡與岱有舊岱署匡師友從事先移書交阯告諭禍福又遣匡見徽說令服罪雖失郡守保無他憂岱尋匡

後至徽兄祇弟幹頌等六人肉袒奉迎岱謝令復服前至郡下明旦早施帳幔請徽兄弟以次入賓客滿座岱起擁節讀詔書數徽罪過左右因反縛以出卽首伏誅傳首詣武昌壹黼匡後出權原其罪及燮質子厥皆免爲庶人數歲壹黼坐法誅厥病卒無子妻寡居詔在所月給俸米賜錢四十萬

三國吳志本傳

謹案封川縣本廣信地故陳元士燮舊志皆以爲封川人物也

唐

陳頴德慶人少讀詩書秉義明練孫吳通達權變